

hic de verberum indignitate conqueritur, hic aucto lare pellitur, hic obsceno premitur seruitio, tot iniuriarum modis leges non sufficiunt: Atqui hæc in mediis viribus fiunt, præcipueque illustribus, mirum cum has constet summo iure subsistere. Alioquin ruituras quis neget? Sed ut vetus proverbum testatur, hæc prorsus aduersa simul stant: Summum ius, summa iniuria. Nec illud sapientia vacat Græcum proverbum, quo iubemur, ut:

*\* Quam quisque nouit artem in hac se exerceat.*

Id quām malè seruetur nostris præsertim temporibus, quis non videt, qui vel tenuiter ad humanos actus oculum deflecat? hic legum peritus in bellum ruit, ille armis exercitus forum terit, iste Dominio genitus mercibus ac fœnori studet, ille aratri natus, à ligonibus ad Tyrannidem aspirat, hic disputator argutus concionantibus obstrepit, hic cōcionator egregius Dialecticis syllogismis inhiat, uterque manum calamo applicat, & quia sibi aliquid videtur intelligere, ardet libros componere, sēque notum facere posteritati: *Qua in re me quoque cum cæteris*